



**GARIS PANDUAN
PENULISAN TESIS/DISERTASI SECARA
KOMPILASI**

Program Sarjana Dan Kedoktoran

**Pusat Siswazah
Universiti Kebangsaan Malaysia**

Cetakan Pertama 2014

Hak Cipta Universiti Kebangsaan Malaysia, 2014

Hak cipta terpelihara. Tiada bahagian daripada terbitan ini boleh diterbitkan semula, disimpan untuk pengeluaran atau ditukarkan ke dalam bentuk atau dengan sebarang alat juga pun, sama ada dengan cara elektronik, gambar serta rakaman dan sebagainya tanpa kebenaran bertulis daripada Pusat Siswazah UKM terlebih dahulu.

Diterbitkan di Malaysia oleh
PUSAT SISWAZAH
Universiti Kebangsaan Malaysia
43600 UKM Bangi, Selangor D.E., Malaysia

Kandungan

| Bil | | Halaman |
|------------|---|----------------|
| 1.1 | Tujuan | 1 |
| 1.2 | Tafsiran | 1 |
| 1.3 | Penulisan Tesis/Disertasi Format Kompilasi | 2 |
| 1.4 | Syarat-Syarat bagi Penulisan Tesis/Disertasi Format Kompilasi | 2 |
| 1.5 | Format Tesis/Disertasi | 3 |

1.0 TUJUAN

Garis panduan ini dinamakan **Garis Panduan Penulisan Tesis/Disertasi Kompilasi**. Garis panduan ini bertujuan untuk memberikan panduan penulisan tesis/disertasi menggunakan format kompilasi yang jelas kepada pengurusan pengajian siswazah fakulti/institusi di Universiti ini.

Garis panduan ini hendaklah terpakai kepada setiap calon yang mendaftar sesuatu program yang mengurniakan Ijazah Sarjana atau Ijazah Kedoktoran pada atau selepas tarikh permulaan kuatkuasa garis panduan ini.

2.0 TAFSIRAN

Tafsiran bagi suatu perkataan yang digunakan dalam garis panduan ini adalah merujuk kepada tafsiran yang dinyatakan dalam Peraturan-Peraturan Universiti Kebangsaan Malaysia (Pengajian Siswazah) 2015.

Dalam garis panduan ini, melainkan jika konteksnya menghendaki makna yang lain

“calon” ertinya seorang calon berdaftar Universiti yang mengikuti pengajian siswazah di Universiti bagi suatu program;

“disertasi” ertinya dokumen penyelidikan asli yang disediakan dan dihantar oleh calon bagi penganugerahan Ijazah Sarjana secara penyelidikan dan mod campuran;

“Ijazah Kedoktoran” ertinya suatu perakuan yang diberikan oleh Universiti kepada seorang calon yang telah memenuhi syarat program Ijazah Doktor Falsafah, Ijazah Doktor Klinikal, Ijazah Doktor Kesihatan Masyarakat, Ijazah Doktor Pentadbiran Perniagaan, Ijazah Doktor Pergigian Klinikal atau Ijazah Kedoktoran lain yang diiktiraf oleh Senat;

“Ijazah Sarjana” ertinya suatu perakuan yang diberi oleh Universiti kepada seorang calon yang telah memenuhi syarat program Ijazah Sarjana, Ijazah Sarjana Klinikal atau yang setara dengannya;

“Kompilasi” ertinya penulisan tesis/disertasi yang merupakan gabungan makalah-makalah yang telah diterbitkan atau telah diterima untuk penerbitan seperti yang diperinci dalam syarat penulisan tesis format kompilasi (Perkara 3.1);

“Tesis” ertinya dokumen penyelidikan asli yang disediakan dan dihantar oleh calon bagi penganugerahan Ijazah Kedoktoran secara penyelidikan dan mod campuran;

“Universiti” ertinya Universiti Kebangsaan Malaysia.

3.0 PENULISAN TESIS/DISERTASI FORMAT KOMPILASI

Penulisan tesis/disertasi format kompilasi adalah gaya penulisan alternatif kepada format tesis/disertasi konvensional. Format ini adalah khusus untuk pelajar yang telah menerbit atau telah diterima untuk penerbitan hasil penyelidikannya di dalam jurnal tersohor dalam bidang yang diiktiraf oleh Senat dalam tempoh pengajian calon.

Peraturan-peraturan yang terkandung dalam garis panduan ini adalah tafsiran kepada Bahagian V, Peraturan-Peraturan Universiti Kebangsaan Malaysia (Pengajian Siswazah) 2015 atau apa-apa pindaan yang berkaitan selepas ini.

3.1 SYARAT-SYARAT BAGI PENULISAN TESIS/DISERTASI FORMAT KOMPILASI

1. Penyelia bersetuju bahawa tesis/disertasi penyelidikan yang telah dijalankan ditulis dalam bentuk tesis/disertasi kompilasi.
2. Calon perlu membuat permohonan secara bertulis kepada Dekan/Pengarah untuk menulis tesis/disertasi dalam bentuk kompilasi.
3. Calon telah menerbit atau telah diterima untuk penerbitan makalah dalam jurnal tersohor dalam bidang yang diiktiraf oleh fakulti/institut. Namun demikian setiap disiplin memerlukan tahap impak yang berbeza bagi memastikan kualiti yang setaraf dengan pengajian di peringkat Kedoktoran atau Sarjana.
4. Makalah perlu memenuhi skop dan objektif penyelidikan yang dijalankan oleh calon. Kertas yang dibentangkan dalam persidangan atau seminar, dan kertas yang diterbitkan dalam prosiding persidangan atau seminar hanya boleh diterima sebagai bahan penerbitan sokongan sahaja.
5. Bilangan makalah adalah seperti berikut:
 - (a) untuk calon Kedoktoran tidak kurang daripada **EMPAT (4)**, di mana **DUA (2)** darinya telah diterbitkan atau telah diterima untuk penerbitan dalam jurnal Q1; dan
 - (b) untuk calon Sarjana tidak kurang dari **DUA (2)**, di mana **SATU (1)** darinya telah diterbitkan atau telah diterima untuk penerbitan dalam jurnal Q1.
6. Calon perlu mendapatkan kebenaran *hakcipta* daripada penerbit makalah yang diterbitkan sekiranya tesis/disertasi hendak dibukukan.
7. Calon merupakan pengarang pertama (*first author*) atau pengarang yang dirujuk (*corresponding author*) bagi setiap makalah yang dinyatakan seperti di atas dan ditulis bersama penyelia.
8. Calon yang mempunyai lebih dari satu afiliasi perlu meletakkan Universiti sebagai afiliasi pertama.
9. Bagi pelajar berstatus warganegara, di mana tesis mesti ditulis dalam Bahasa Melayu kecuali dengan kebenaran fakulti/institut, makalah boleh ditulis dalam bahasa ia diterbitkan. Namun calon perlu menyertakan ringkasan makalah dan maklumat jurnal penerbitan di dalam Bahasa Melayu mengikut format seperti Perkara 3.2.

3.2 FORMAT TESIS/DISERTASI

Kandungan tesis/disertasi perlu merangkumi perkara berikut:

1. Pernyataan bahawa tesis/disertasi ditulis mengikut format kompilasi.
2. Senarai penerbitan yang dimasukkan sebagai bab dalam tesis/disertasi.
3. Keseluruhan tesis/disertasi perlu disediakan mengikut format penulisan tesis/disertasi Gaya UKM.

4. Bab Pengenalan – Bab ini memberi pengenalan kepada isu yang dikaji dan menerangkan perkaitan di antara makalah yang telah diterbitkan bagi memastikan tesis/disertasi dipersembahkan dalam bentuk yang bersepadu.
5. Bab Bahan Penerbitan – Setiap makalah yang telah diterbitkan perlu dipersembahkan sebagai bab berasingan di dalam tesis/disertasi. Abstrak makalah dan maklumat jurnal penerbitan perlu disertakan bagi tesis/disertasi yang ditulis dalam bahasa yang selain dari bahasa penulisan tesis/disertasi.
6. Bab Kesimpulan – Bab ini mensintesis dapatan kajian dan memberi kesimpulan menyeluruh tentang penyelidikan yang telah dijalankan.
7. Rujukan – Senarai rujukan merangkumi rujukan bagi bab Pengenalan dan bab Kesimpulan.